



Republika e Kosovës

Komuna e Drenasit

Kuvendi i Komunës



02 Nr. 060/04-17227 dt. 20.04.2022

PROCESVERBALI

I mbledhjes së rregullt të Kuvendit Komunal të Drenasit të Mbajtur më datë: 24.03.2022

Mbledhjen e kryesoi kryesuesi i Kuvendit Komunal-Milaim Hajdari

Kryesuesi deklaroi të hapura punimet e mbledhjes së rregullt të Kuvendit Komunal, ku të pranishëm ishin 29 anëtarë.

Kuvendi filloi punimet më këtë :

Rend dite:

1. Procesverbali i mbledhjes së rregullt i KK i mbajtur me dt. 23.02.2022, dhe Procesverbali i mbledhjes së Jashtëzakonshme i KK i mbajtur me dt. 08.03.2022.
2. Raporti i punës Janar-Dhjetor 2021 i Kryetarit dhe Qeverisjes Lokale.
3. Raporti i dytë periodik për zbatimin e rekomandimeve të dhëna në Raportin e Auditimit nga Zyra Kombëtare e Auditimit për vitin 2020.
4. Propozim vendim për transfer të mjeteve nga kategoria ekonomike rezerva në kategorinë për mallrat dhe shërbimet në buxhetin e drejtoratit për shërbimet publike dhe emergjente për projektet: mirëmbajtja e kanalizimeve fekale, atmosferike dhe gropave septike dhe rehabilitimi i rrugëve të asfaltuara.
5. Propozim vendim për transfer të mjeteve nga kategoria ekonomike rezerva në kategorinë për Mallra dhe shërbime në buxhetin e drejtoris për infrastruktur publike.
6. Të ndryshme.



Mbahet mbledhja e rregullt e Kuvendit të Komunës

Të enjten, në Sallën e Kuvendit, është mbajtur mbledhja e rregullt e Kuvendit të Komunës, ku për diskutim ishin 6 pika për rend dite.

Fillimisht, në shenjë respekti e mirënjohje për veprimtarinë ndaj Kosovës të ish-Sekretares së Shtetit të SHBA-së, Madeleine Albright, është mbajtur një minutë nderim.

Mbledhja është kryesuar nga kryesuesi i Kuvendit të Komunës, Milaim Hajdari, ndërsa merrnin pjesë, kryetari i Komunës, Ramiz Lladrovci, nënkryetari Arben Shala, drejtor të drejtorive komunale dhe anëtarë të Kuvendit, si dhe 29 anëtar të kuvendit Komunal.

Kryesuesi i Kuvendit Komunal, Milaim Hajdari- pasi përshëndeti të gjithë të pranishmit njoftoi me rendin e ditës anëtarët e Kuvendit Komunal, pasi që nuk pati diskutime, vërejtje apo sugjerime kryesuesi hodhi në votim rendin e ditës, prezent gjatë votimit ishin 29 anëtar dhe votuan me: **29 (Për)**, kundër nuk pati, abstenim nuk pati.

Më poshtë ju elaborojmë pikat që janë diskutuar e miratuar në mbledhjen e rregullt të Kuvendit të Komunës:

Kryesuesi i Kuvendit Komunal Milaim Hajdari, hapi diskutimin për pikën e parë të rendit të ditës: 1. Procesverbali i mbledhjes së rregullt i KK i mbajtur me dt. 23.02.2022, dhe Procesverbali i mbledhjes së Jashtëzakonshme i KK i mbajtur me dt. 08.03.2022.

Pasi nuk pati diskutime vërejtje apo sugjerime, procesverbali i mbledhjes së rregullt i KK i mbajtur me dt. 23.02.2022 dhe procesverbali i mbledhjes së jashtëzakonshme i KK i mbajtur me dt. 08.03.2022, ka kaluar me vota unanime.

Kryesuesi i Kuvendit Komunal, Milaim Hajdari, hapi diskutimin për pikën e dytë të rendit të ditës: **2. Raporti i punës Janar-Dhjetor 2021 i Kryetarit dhe Qeverisjes Lokale.** **Drin Halilaj,** tek raporti i punës të kryetarit të Drejtorisë për Arsim në raportin e punës në përfundim, për vitin 2021 përmend formimin e një komisioni i cili ka për detyrë të skanoj gjendjen në teren dhe të nxjerr rekomandime në funksion të përmirësimit të cilësisë, a mund të informohemi në pika të shkurtra rreth këtij komisioni dhe gjendjen në rast se ka përfunduar skanimi. Pyeti për Drejtorinë e Shërbimeve Publike që u cek që është bërë mirëmbajtja e rrugëve gjatë dimrit, pastrimi i rrugëve, trotuareve, parkingut, qytetet rregullisht na kanë dërguar shqetësimet e tyre lidhur me mos pastrimin e rrugëve trotuareve nga bora. Kërkoj që për vitin 2022/2023 të merren masa me kohë në mënyrë që mos të rrezikohet jeta e qytetareve tanë.

Florentina Elezi-Veliu, pyeti për drejtorinë e inspeksionit, përkatësisht inspeksioni i ndërtimtarisë, tere vitit janë lëshuar 38 urdhra për ekzekutim të aktvendimeve përkatësisht rrenim të objekteve por që nuk janë ekzekutuar ende për arsyeje të ndryshme nga organet kompetente, pse nuk është bërë rrënimi a kanë ndryshuar urdhrat apo është bërë për arsyeje të neglizhencës, gjithashtu sipas përshkrimit nga drejtoria e inspeksionit gjatë vitit 2022 në bashkëpunim me policinë e Kosovës njësi Drenas do të ketë inspektim me të shtuar për largimin e transportit ilegal të udhëtareve, cila është alternativa e komunës për udhëtarët meqë linja Drenas-Prishtinë janë çdo 30 min në shumicën e orareve e në disa raste edhe çdo 15 min, më shqetësuese është situata e transportit Drenas-Skenderaj ku autobusi qarkullon qdo 1 ore, po ashtu cili është plani i komunës lidhur me transportuesit ilegal. Për Drejtorinë e Shëndetësisë, numri i lindjeve në maternitet është në rënie e sipër, krahas rënies të natalitetit në Republikën të Kosovës vitet e fundit, planifikimi i familjes, migrimi i popullatës në qendra të tjera si dhe lindjet në kliniken obstetrike-gjinekologjike e spitaleve tjera private ka bërë që numri i lindjeve të zvogëlohet. Sa është kapaciteti i lindjeve që mund të realizohet në QKMF në Drenas pasi që në bazë të informatave që kemi shumica e grave udhëzohen për në Prishtinë apo qendra tjera me shku me kry lindje. gjithashtu i kemi tri AMF jo funksionale siç janë në Poklek, Gradicë dhe Abri e Eperme, a mund të na tregoni të mos funksionimit dhe a ka gjasa që të jene funksionale gjatë vitit 2022. Gjithashtu tek shërbimet stomatologjike që kryhen vetëm në QKMF në Drenas në plan të punës për vitin 2022 e keni përmend shtrirjen edhe në Komoran. a është bërë ndonjë hap të shërbimit në QMF në Komoran. Tek Drejtoria e Urbanizmit ka qenë një raport shumë i shkurte, e keni cek për realizimin e projektit në art trafo ka pasur ndikim pozitiv në komunitet a mund me na tregu si është bërë matja e ndikimit të këtij projekti për arsyeje se keni ardh në përfundim që ka pas vlerësim pozitiv.

Kryetari i Komunës Ramiz Lladrovci, ky është një raport i punës për vitin 2021 punët të cilat janë bërë. nuk jemi duke fol për planin e vitit 2022 se çfarë do të bëhet.

Florentina Elezi-Veliu, derisa në raport e keni cek që është bërë një punë ne duam të dimë se si ka ardh deri tek kryerja e asaj pune apo pse nuk është perfundu me na dhënë arsyet.

Egzona Tërdevci, i përmendi disa nga të gjeturat nga raporti i punës të kryetarit dhe qeverisjes lokale. zyra për barazi gjinore, në nëntor është bere një vizite në Polici, Qendrën për punë sociale dhe gjykatë themelore dega në Drenas që është aktivitet që është në rregull për zyrën e barazisë gjinore. është mirë me e paraqit një raport të shkurtër lidhur me informatat që i ka marrë kjo zyre nga këto institucione, po ashtu nga zyra për barazi gjinore do të prisja një informim lidhur me përfitimin e garantëve nga gratë, a ka pas për vitin 2021 buxhetim të përgjegjshëm gjinor, përjashtohen disa aktivitete shumica e aktiviteteve që janë të pasqyruara tek zyra e barazisë gjinore realisht nuk kanë të bëjnë fare me barazinë gjinore,

disa nga këto që në mënyre direkte nuk lidhen me barazinë gjinore janë pjesëmarrja e z.Lladrovci në ekspozitën e organizuar nga HANDIKOS, qëndrimi i z.Lladrovci në çerdhen "Ardhmeria" nuk me duket që lidhet me barazinë gjinore kjo. Përurimi i qendrës "Flutura Academy" as kjo nuk ka të bëjë direkt me barazi gjinore, po ashtu udhëheqja e konferencës ndërkombëtare të kampit veror as këtu nuk po e gjej lidhjen me barazi gjinore. Të drejtorja e Administratës është paraqit si sukses funksionimi i kioskave në Drenas dhe Komoran, në Drenas nuk funksionojnë kioska do duhej ta bëni këtë përmirësim në raport, po ashtu janë disa çështje të Drejtorisë së infrastrukturës lokale, lista e projekteve të realizuara kapitale është paraqitur vetëm si tërësi nuk janë paraqitur vendet e sakta se ku do të behën investimet, në bazë të një memorandumimi bashkëpunimi që e keni pas me shoqatën "Jetimate Ballkanit" për ndërtimin 24 shtëpive të njerëzve me nevojë thuhet se këto shtëpi do të kenë përfunduar deri në fund të vitit 2021 në raport nuk e shikova që është paraqit përfundimi i këtyre shtëpive, a është bërë ndërtimi i tyre apo jo? Po ashtu nga raporti i drejtorisë për infrastrukturë thuhet se ka pas mungesë të veturave për daljen në teren për menaxhim të projekteve, takimeve dhe trajnimeve të ndryshme madje edhe shumë here kane humbur këto takime në mungesë të veturës, sa ka vetura në dispozicion Drejtorisë së Infrastrukturës, cili është numri optimal që i duhen kësaj drejtorie për funksionim të mirëfilltë si dhe a kanë drejtoritë tjera vetura të lira të cilat mund të përdorshin nga stafi i kësaj drejtorie në mënyrë që punët të përfundojnë siç duhet.

Kryetari i Komunës Ramiz Lladrovci, zyra për barazi gjinore është në zyrë të kryetarit prandaj raporti i kësaj zyre del në raport të kryetarit, zyra për barazi gjinore funksionon në kuadër të zyrës të kryetarit të komunës.

Egzona Tërdevci, nuk e ceka që zyra për barazi gjinore nuk është dashtë me u përfshi në këtë plan të përshkrimit të punëve që i keni bërë vitet e kaluar, unë e pata shqetësimin tek ajo që aktivitetet që janë paraqit tek zyra e barazisë gjinore nuk kanë të bëjnë me barazi gjinore.

Arbër Halilaj, tek raporti i punës një vjeçare varësisht se cilën drejtori e analizojmë unë shoh profesionalizimin dhe të kundërtën amatorizmin në menaxhim të dikastereve përkatës nga zyrtaret. Raporti i punës në çdo institucion duhet të jetë i bazuar në planin që e keni pas paraprakisht për vitin 2021 me saktë në objektivat e këtij plani dhe të shpreh përbindjen e realizimit të tyre, pengesat për mos realizim dhe hapat e tjerë për përmirësim, resurset njerezore buxhetin, periudhat kohore për kryerjen e atyre planifikimeve. Ka raporte të përpiluara mirë si ai i shëndetësisë, i financave por shumica e drejtorive të tjera kanë raportuar në stilin e reportazheve gazetaresk. Do ta analizoj planin vjetor edhe raportin dhe do ta përgatiti një mostër të caktuar se si raportohet.

Azmine Bujupi-Gjoka, sa i përket raportit të punës janar-dhjetor 2021 të kryetarit dhe qeverisjes lokale raporti është i shkruar mirë nga të gjitha drejtoritë mirëpo pjesa praktike duhet me u përputh me pjesën teorike, kane mbet edhe shumë projekte tjera të cilat nuk i keni realizuar edhe pse shumë mirë ato i keni shkruar në letër.

Nuk pati diskutime të tjera dhe kaloj tek pika tjetër.

Kryesuesi i Kuvendit Komunal, Milaim Hajdari, hapi diskutimin për pikën e tretë të rendit të ditës: **3. Raporti i dytë periodik për zbatimin e rekomandimeve të dhëna në Raportin e Auditimit nga Zyra Kombëtare e Auditimit për vitin 2020.**

Drejtori i Financave-Shyqeri Bublaki, i njoftoj në pika të shkurtera rreth rekomandimeve që janë dhënë nga zyra kombëtare e auditimit. Raporti e Auditimit nga Zyra Kombëtare e

Auditimit për vitin 2020 ka dhënë dhjetë rekomandime. Pjesa e dërmuese e atyre rekomandimeve janë zbatuar në tërësi, kemi rekomandime të cilat janë realizuar pjesërisht dhe një rekomandim nuk është zbatuar në tërësi. Rekomandimi i cili nuk është zbatuar në tërësi është rekomandimi që i përket rartimit të projekteve detale për investime kapitale i cili nuk është zbatuar për shkak të operatorit ekonomik i cili e ka marrë tenderin për hartimin e këtyre projekteve dhe e ka realizuar andaj ne si kuvend komunal kemi qenë të obliguar që t'ia ndërpresim kontaktin me operatorin ekonomik dhe kjo ka ndikuar që ky rekomandim mos të zbatohet në tërësi.

Arbër Halilaj, sa i përket raportit vjetor të auditimit të pasqyrave financiare kjo shtjellon një pjesë shumë të rëndësishme të punës të komunës tonë dhe shpalos çështje që kanë të bëjnë direkt me performancën dhe efikasitetin e komunës në çdo sferë, dihet që tek menaxhimi i performancës fillojmë nga planifikimi i performancës, pastaj vjen faza e monitorimit të matshëm të performancës, vlerësimi i saj, raportimi lidhur me të dhe auditimi i performancës, raportet dhe gjetjet e këtij auditimi për vitin 2020 i keni para jush. Raportet e zyrës kombëtare të auditimit promovojnë drejtpërdrejt llogaridhënien, transparencën që në komunën tone theksohet shpesh dhe besoj që është prezentë dhe konsideroj të domosdoshme për secilën komunë jo vetëm në komunën tonë pasi që përmes këtyre raporteve mund t'i kërkojmë llogari qdo organizate buxhetore, kjo pastaj ndikon në rritjen e besimit të qytetareve në shpenzimin e duhur dhe korrekt të buxheti, kjo rrjedhimisht e rrit besimin në qeverisjen lokal, nisur nga kjo auditimi është element shumë i rëndësishëm në procesin e vlerësimit të performancës, kurse të gjeturave dhe rekomandimeve nga auditimeve duhet t'ju jepet prioritet i lartë nga fakti se vijnë nga një trup profesionale e kontrollit të jashtëm të performancës të komunës e cila natyrisht është e pavarur në profesionalizimin e saj ndërsa qëllimi i tërë këtij procesi është përmirësimi i performancës dhe përmbushja e pritshmërive të qytetareve. Rezultatet e auditimit të pasqyrave financiare për vitin fiskal 2020-2021 në kuvendin komunal të Drenasit tregojnë se zyra kombëtare e auditimit ka dhënë dhjetë të gjetura apo rekomandime adekuate, kryetari i komunës dhe ekzekutivi duhet të shpenzojnë me përgjegjshmëri dhe në dobi të qytetareve fondet publike në mënyrë efikase duke pasqyruar se kemi pas të bëjmë me një vit pandemik dhe përqindja e realizimit është shumë e mirë, natyrisht shpenzohen në pajtim me ligjin dhe udhëzimet në fuqi, duke pasqyruar që nevojat e qytetareve janë të larta dhe buxheti i komunës mund të mos të jete i mjaftueshëm prandaj kryetari i komunës mbahet përgjegjës për mënyrën se si i ka shpenzuar fondet publike dhe kjo është arsyeja kryesore që të kryhen auditimet vjetore financiare dhe pajtueshmërisë për të gjitha komunat. Një pjesë e konsiderueshme e rekomandimeve të auditimit nuk po zbatohen dhe disa prej tyre po përsëriten apo po shfaqen prej vitit në vit apo dalin rekomandime të reja që kjo duhet të analizohet pse ndodh. Për tu përmbushur obligimet ligjore komuna duhet të përmirësojë praktiken e shtimit të kontrollit të brendshëm po ashtu duhet të behet me shumë për zhvilluar një mjedis të kontrollit të bazuar në risk me efektivitet më të lartë duke e rritur kështu besueshmërinë në punën e ekzekutivit, planifikimit dhe realizimit të buxhetit. Edhe pse ka qenë pandemia dhe punët kanë vijuar me ato vështirësitë që vetëm dihen, nuk mundet gjithçka të arsyetohet bazuar në këtë forcë madhore, rekomandimet e zyrës kombëtare të auditimit duhet të jenë udhë rrëfyese për përmirësim sidomos të kënaqësitë nga ana e kryetarit i cili çdo vend ceket si përgjegjës për zbatimin e rekomandimeve për forcimin e kontrollit të brendshëm, koordinimin më të mirë të drejtorive, shpenzimin me efikasitet të buxhetit, planifikimin adekuat, zbatimin e udhëzimit dhe rregullores të punës dhe veprimet tjera menaxheriale të cekura të pjesa e rekomandimeve. Me këtë drejtim ne si asamble dhe veçanërisht si opozitë kërkojmë që të formohen edhe komisione tjera ku do ta ndihmonim punën e kryetarit dhe ekzekutivit me që kundër dallimeve politike qëllimet i kemi të përbashkëta në të mirë të qytetareve të Drenasit.

Egzona Tërdevci, pyeti, në raport me të gjeturat e zyrës kombëtare të auditimit është theksuar si një e gjetur mos kompletimi i njësisë së auditimit të brendshëm a është plotësuar kjo për vitin 2021 dhe a ka gjasa të plotësohet për vitin 2022 nëse nuk është bërë deri tani.

Kryetari i Komunës Ramiz Lladrovci, njësia e auditorit të brendshëm në komunën tonë i ka dy zyrtar dhe janë të mjaftueshëm, rekomandimet e auditorit të jashtëm jo gjithmonë janë rekomandime që ne mund t'i zbatojmë.

Azemine Bujupi-Gjoka, gjatë auditimit nga zyra kombëtare e auditimit për vitin 2020 janë identifikuar keq menaxhimi në disa fusha si psh. Në fushën e menaxhimit të prokurimit në sektorin e pagesave dhe në menaxhimin e pasurisë, për hir të korrektesisë ndaj qytetareve do t'përmend në keq menaxhim të dhjetë çështjeve të caktuara, çështja A1. Vonesa në deponimin e parasë së gatshme në llogari bankare i keni tri raste: në zyrat e gjendjes civile, administratë dhe participim në QKMF të cilat janë vonuar pagesat për në bankë, çështja A2. Dobësinë në procesin në veprimtarive inspektuese të objekteve brenda territorit të komunës, dmth nuk e keni realizuar atë përqindje sa u dashtë me u be inspektimi, se paku 20 % ju keni arritur vetëm 12%. Çështja A3. Dobësinë e përmbushjen e kriterit të dosjes të tenderit lidhur me vërtetimin tatimor, dmth janë dhënë tenderë pa e pas vërtetimin në pronë ose me skadim të saj. Çështja A4. Mungesa e projektit ekzistues edhe këtu i kemi identifikuar 24 kontrata pune. komuna nuk e ka hartuar projektin ekzistues, por janë zhvilluar procedurat e prokurimit duke përgatitur vetëm përmasën dhe parallogaritë. çështja B2. Ndryshimet në pozicionet e kontratave pa aprovimin paraprak të ZKA-së edhe këtu janë bërë disa devijime. Çështja B3. Mangësitë e regjistrit kontabël të pasurisë në procesin e inventarizimit dhe vlerësimit të pasurive jo financiare këtu i keni disa raste të cilat nuk i keni evidencuar. Çështja B4 dobësimi i menaxhimit të llogarive të arketueshme, pjesa më e madhe i takon tatimit në prone. Çështja B5 mangësitë në lisen e detyrimeve kontingjente i kemi evidentuar tri raste, mos kompletimi iniab ku i mungon edhe një auditor ku kish me qenë i nevojshëm për menaxhimin më të mirë në të gjitha këto fusha.

Kryetari i Komunës Ramiz Lladrovci, 80 % e atyre që i lexove pjesën tjetër të kolonës e kanë pas rekomandimin, pra 80% të atyre pra janë të zbatueshme, të pazbatueshme dhe pjesërisht të zbatuara. Nëse flasim ku përmendet paret e imta, bëhet fjale për mos sjelljen e mjeteve në kohën në të cilën kërkohet me ligj. Për mjetet që i përmende ai zyrtari që ka pas me i dorëzuar u sëmur dhe nuk kam mujt me i dorëzuar e ka arsyetimin, raportin gjitha. Rekomandimet jemi të obliguar që me i zbatuar.

Meqë nuk pati diskutime kaloi tek pika tjetër.

Kryesuesi i Kuvendit Komunal, Milaim Hajdari, hapi diskutimin për pikën e katërt të rendit të ditës: 4. Propozim vendim për transfer të mjeteve nga kategoria ekonomike rezerva në kategorinë për mallrat dhe shërbimet në buxhetin e drejtoratit për shërbimet publike dhe emergjente për projektet: mirëmbajtja e kanalizimeve fekale, atmosferike dhe gropave septike dhe rehabilitimi i rrugëve të asfaltuara. Meqë nuk pati diskutime vërejte apo sugjerime kryesuesi e hodhi në votim këtë pikë të rendit të ditës. prezent gjatë votimit ishin 29 anëtar dhe votuan me: 29 vota (Për), 00 vota (Kundër), 00 vota (Abstenim)

Kryesuesi i Kuvendit Komunal, Milaim Hajdari, hapi diskutimin për pikën e pestë të rendit të ditës: 5. Propozim vendim për transfer të mjeteve nga kategoria ekonomike

rezerva në kategorinë për Mallra dhe shërbime në buxhetin e drejtorisë për infrastrukturë publike.

Meqë nuk pati diskutime vërejte apo sugjerime kryesuesi e hodhi në votim këtë pikë të rendit të ditës, prezent gjatë votimit ishin 29 anëtar dhe votuan me:
27 vota (Për), 00 vota (Kundër), 02 vota (Abstenim).

Kryesuesi i Kuvendit Komunal, Milaim Hajdari, hapi diskutimin për pikën e gjashtë të rendit të ditës: **6. Të ndryshme.**

Egzona Tërdeci, nisur nga supozimi se njësia e auditimit të brendshëm është në shërbim të interesit të komunës dhe gjithë qytetareve të saj, unë do të bëjë një kërkesë për auditim për kontratat e përfituara nga kompania Fer-Petrol për pesë vitet e fundit, në bazë të planit të punës të auditorit të brendshëm është paraparë auditimi i prokurimeve, nisur nga kjo dhe fakti që kompania e përmendur tani më po dyshohet për mashtrim ndaj institucioneve shtetërore, pa dashur me u perzi në sistemin e drejtësisë vetëm me qëllimin për tu vërtetuar që paraja publike është shpenzuar siq duhet, ne kërkojmë nga zyra e auditimit të brendshëm të bëjë auditimin për kontratat e përfituara nga Fer- Petrol në pesë vitet e fundit dhe për te njëjtat të paraqet raportin e auditimit duke qenë se kompania në fjalë për pesë vitet e fundit ka përfituar me shume se 2 milion euro kontrata nga Komuna e Drenasit konsideroj se kjo kërkesë për auditimin e këtyre kontratave në kompani është në interes të qytetareve dhe është shumë e rëndësishme.

Kryetari i Komunës Ramiz Lladrovci, kush do që ka bërë shkelje janë nën hetime, shkeljen e ligjit e përcakton vetëm gjykata. Kompania Fer- Petroll edhe si shumë kompani tjera që kane marrë kontrata sipas ligjit në Komunën e Drenasit kanë auditim të për vjetshëm, ka shumë kompani që deri më tani nuk kanë pas auditim dhe kanë marrë kontrata dhe ne nuk e kemi zbatuar në përpikëri atë që na lejon ligji, tani e tutje nuk ka me mujt me konkuru asnjë kompani që nuk ka auditim tri vitet e fundit për me e marrë në punë.

Egzona Tërdeci, pyeti për drejtorinë e inspeksionit, në bazë të postimeve që i keni bërë në faqen zyrtare të komunës në facebook drejtorja e inspeksionit ka kryer kanë kryer vazhdimisht inspektim të çmimeve neper ndërmarrjet në Komunën e Drenasit, në postimin e dt. 15.03.2022 thuhet se janë shqiptuar masa disiplinore dhe ndëshkuese ndaj operatoreve që kane abuzuar me çmime duke e ditur elementin e njohjes se privatësisë a mund ta dimë të paktën natyrën e bizneseve te cilat kane keq menaxhuar me çmime në Komunën e Drenasit.

Drejtori i Inspeksionit Petrit Gashi, Komuna e Drenasit ka qenë prej komunave të para që abuzuar keqpërdorimin në rritjen e çmimeve, ka raportuar në ministri krye inspektorja, dhe Viva Fresh Store ka qenë ndër te parat që kemi raportuar dhe masat që komuna jonë i ka marrë ndaj saj, inspeksioni ka qenë vazhdimisht në teren për kontrollimin e tregut përgjithësisht në Komunën e Drenasit jo vetëm të maketeve por edhe të pikave të ndryshme të karburantit sipas rekomandimeve që na vijnë edhe nga niveli qendror.

Mehedin Salihu, kërkoj që të behën rrethojat e shkollës, dhe trotualet ka shkojnë nxënësit në shkollë janë krejtësisht të dëmtuara. po ashtu një parking të KEKU ku është një pjesë shumë e rrezikshme për kalimtarë. edhe ura është e dëmtuar, edhe një gropë është para se me shku tek shkolla e mesme në Drenas. Kisha kërkuar që rrugët që duhet me u mirëmbajt sidomos në fshatra rurale mos te lihen anash e kam fjalën për fshatin Shtuticë ku ka dëmtime në rrugë

dhe asnjëherë nuk është marre ndonjë masë për riparim por edhe me vende tjera. Te Drejtoria e Shëndetësisë në QMF në Drenas mungon lifti, kërkoj që të bëhet një zgjidhje.

Kryetari i Komunës Ramiz Lladrovci, rruga Komoran-Drenas-Polluzhë është rrugë regjionale dhe është përgjegjëse Ministria e Infrastruktës. Ne kemi bërë kërkesa për riparim të rruges.

Mehedin Salihu, i vetmi fshat që është lënë pas dore është fshati Shtutice, dhe i vetmi fshat që nuk ka as ambuladë është fshati Shtuticë. Disa fshatra janë lënë pas dore në infrastrukture.

Valentina Leku, dua të lidhem të transferi të mjeteve të cilat kalon për shërbime publike, mirëmbajtja e kanalizimeve të cilat është në një gjendje aspak të mirë, në fshatin Llapushnik rruga - magjistralja "Ibrahim Rugova" prej vëllezërve Thaqi e deri të mbi kalimi banoret po ankohen se ujërat e zeza po kalojnë edhe në puse apo bunare, pikërisht këtu është edhe trotuari ku shkojnë fëmijët për në shkollë, sidomos tani në kohërat e nxehta ka mundësi që nxënësit të rrezikohen edhe nga ndonjë epidemi, pastaj kanalizimin të cilin gjendet në prani të shkollës është akoma edhe me e rrezikshme sepse nxënësit kalojnë aty, dhe dua të bëjë një kërkesë të cilën do ta bëjmë edhe me shkrim, pasi që ne vetëm kemi hy në stinë e pranverës, edhe shumë qytetarë prej kërkesave më të mëdha dëshirojnë që në qytetin e tyre të kenë një park apo kënd të lojërave që do ta bënte edhe qytetin më të bukur, ashtu siç edhe GREEN për Drenasin në bazë të nevojave të njerëzve parasheh më shumë breza të gjelbër. Po ashtu në qytezën Komoran një vend shumë i frekuentuar është shumë e nevojshme të ketë një hapësirë për kreacion për të gjitha moshat kjo kërkesë është bërë nga vete fëmijët të cilët shprehin "nuk duam lodra brenda por duam ta prekim lulet-dheun" Dhe dua të sjellë një çështje këtu në kuvend çështjen e deponisë inerte në fshatin Llapushnik ajo hapësirë bukur e madhe rruga e asfaltuar ku qytetarët mund ta shfrytëzonin për ecje-vrapim por fatkeqësisht kjo është e pamundur. kundërmon aromë shumë e keqe, rreziku nga qentë endacak, pronat private pranë të cilat punohen por njëkohësisht dëmtohen duke u mbuluar me mbeturina, imazhi në këtë vend është mjerim, në këtë vend është krim në natyrë, është vatër e infeksioneve lusim komunën e tonë që të reagojnë dhe intervenojnë menjëherë.

Kryetari i Komunës Ramiz Lladrovci, sa i përket depot të mbetjeve inerte, ne vazhdimisht e kemi pastruar atë pjesë, vazhdimisht kemi shpenzuar mjete ekstra për me e pastru por vazhdimisht i kemi gjobit njerëzit dhe kompanitë që kanë hedh mbeturina aty. Deponi duhet të kemi, por ma thoni ju një vend tjetër më të mirë ne do ta ndërrojmë vendin, por dikun duhet me e vendos. Sa i përket ujërave të zeza rreth autostradës nuk na kanë lejuar me e shpua rrugën pra nuk kemi pas leje të ka 1-2 vjet që kemi kërkuar mirëpo ende nuk na kanë kthyer përgjigje se ne nuk kemi të drejtë më të rrugës kryesore për me vazhdu me gypat apo kolektorët, nuk kemi marrë ende leje, kur të marrim leje do t'ja fillojmë punimet.

Beqir Kiqina, shprehi një shqetësim të cilin e kam shpreh edhe mandatin e kaluar, bëjë kërkesë Drejtorisë të Shërbimeve Publike që të marr masa dhe të bashkëbisedojnë me bordin dhe shoqërinë aksionare të stacionit të autobusëve ta bëjë një zgjidhje për shkak se objekti është në një gjendje të mjerueshme, ku dëmtohen më së shumti nxënësit e shkollave të mesme, kisha kërkuar me e bë një zgjidhje të paktën drejtoria e shërbimeve publike të marrë masa dhe të evitohen ato probleme dhe mbeturinat që janë aktuale.

Kryetari i Komunës Ramiz Lladrovci, shqetësimi juaj është edhe i joni, ne kemi ndërmarrë masa. E kemi riparuar. objektet që nuk janë në pronësi tonë e kemi më të vështirë me i menaxhuar.

Arbër Halilaj, një çështje tjetër në kuadër të transparencës dhe llogaridhënies dhe informimit më të mirë të qytetareve dashta publikisht me e kërkuar përmes IT-së të aktivizohen edhe kamerat që i kemi përballë.

Hamit Haxhiu, kërkoj nga zyra e kryetarit me na dhënë një përgjigje që ka bërë Bashkësia Islame e Drenasit: Kërkesën e bërë nga Bashkësia Islam dega në Drenas. Në bazë të kërkesave të banorëve. bashkësia islame ka kërku nga kryetari që të ndahet parcela me numër 1296-0, për ndërtimin e Xhamisë në Llapushnikë (lagjja Poterrk).

Kryetari i Komunës Ramiz Lladrovci, ndarja e parcelave në këtë rast për xhaminë nuk e ka përgjegjësi komuna, me ligjin prej vitit 2019 janë kompetence e nivelit qendror, çdo kërkesë e bashkësisë islame për këto qëllime duhet me ju adresua nivelit qendror.

Pasi nuk pati diskutime te tjera mbledhja përfundoi në ora 11:30 min .

Me gjerësisht, mbledhjen e rregullt të Kuvendit të Komunës së Drenasit të datës 24.03.2022 mund të ndiqni në ueb faqen zyrtare të komunës, rrjetin social të Facebook-ut dhe në kanalin YouTube.

Procesmbajtëse:


Liridona Fejza-Ajazi



Kryesuesi i Kuvendit Komunal


Mirlind Hajdari